

პირველი კვირა

კვირა, 25 აპრილი 1920 წ.

ფასი 10 მან.



მათრასი


საბუნჯო ყურნალი

№ 2

სანამ ქალაქს მივიღებდეთ სამინისტროსაგან, ჩვენი ყურნალი გამოვა დრო-გამოშვებით. რედაქციის მისამართი: თბილისი, სტამბა „სორაპანი“, თეოდორე ბოლქვაძეს. გამყიდველებმა და აგენტებმა უნდა მიმართონ კანტორა „განათლებას“.

შ ე ჯ ი ბ რ ე ბ ა .

1240



ესიკა და ბესიკა

ბესიკამ უთხრა ესიკას:
მუდამ რომ ასე ჩარჩობო,
ეხლა უი ჩემი დღე დადგა
შიმშილით გამოგარჩობო.

კვერცხს რვა მანათათ მოგყიდი,
ტუთ თუმნათ თითო ყველსაო.
ერთ მსხალში თუმანს თუ მომცემ
ქე გაისველებ ყველსაო.
სიმინდს, ლომსა და ლობიოს
სულაც არ ვყიდი ჯერაო,
რომ მოგშიველება მეც ფასსა
აუწვეე ათასჯერაო.

შენ რომ მე აწა მაჯობო
იგი კი აღარ შეგრაო,
იაფად გინდა მოგყიდო?
ველარ მოგართვი, ვერაო.

ესიკამ უთხრა ბესიკას:
მე მაგით რას დამაკლებო,
დამბალ ტარანას არ მოგცემ
თითოს სამ თუშან ნაკლებო.

ვითომ შენც საქმეს აკეთებ
თუ გააძვირე ყველიო,
ერთ წუღას კი არ გიყიდის
მთელი წლის მონაწველიო.

ყველაფრათ ხომ არ გეყოფა
ეგ ორი ლუკმა ხეფსიო,
შენც დაგჭირდება—მარილი,
ნაფთი, ღუსმანი, ნემსიო,

რომ მოხვალ იმის საყიდლათ
ცუდაუ გააქნევ თავსაო,
განა შენ იზამ ფინთობას
და მე ვერ ვიზამ ავსაო?

ბესიკამ უთხრა: ესიკავ,
ჩაეიცვამ ქალამანსაო
და შენ კი ჩემის ფასებით
ვაგაგდებინებ ჯანსაო.

ფუთ ნიგოზს ხუთას მანეთზე
ავიყვან ნელია-ნელიაო.
ქათმები სამას-სამასათ
უნდა დაგყიდო ყველაო.

ექვსას მანათათ არ მოგცემ
ერთ შამალ ინდაურსაო,
გოქის ფასს როცა გაიგებ
გააბანტურებ ყურსაო.

რომ შეგცივდება, ვიცო, რომ
ცუდათ დაიწყებ ხვნეშსო
და შიკი ათას მანათათ
მოგყიდი ურემ შეშსო.

ესიკამ უთხრა: ბესიკავ,
ვერც მაგით მოხვალ ჯანჯეო,
ჯერ დაიცადე, სამოსი
შემოგაცეთება ტანჯეო.

ათი ათასათ არ მოგცემ
გარეთ ჩასაცმელ ჩოხასო
და ერთი ახალუხიზა
ნახავ რომ ყიდდე ძროხასო.

ბაღნების საპერანგეში
დააგირავებ თავსაო,
მაგრამ სულიც რომ ამოგძვ+ეს
მე არ ჩაკიცვამ შეასაო.

კოლის კაბაში რომიყვან
ორივე უღლის ხარებსო
და ბოლოს ნახავ ჩვენ შორის
რომელი გაიხარებსო.

ბესიკამ უთხრა ესიკას,
ესიკამ უთხრა ბესიკას,
მოქალაქეს კი ესმ+და,
რომ არ ამბობდა ერთი კარგს.

ვერც მიეკარა საყიდელს,
არც გასაყიდი რამ ქონდა
და ასე, ვი ვაგლანით
ტანჯული სული გაჰქონდა.

ვაი ესიკა—ბასიკას
და მ სებრ ჩარჩ-ბაკაცებსა,
ამ დროებისა ბატონებს
(თავისუფალსა კაცებსა).

მათრახონანი.



დაუსრულებელი ომი.

კანმა მოკლა აბელი კეტიო. ომი გაგრძელდა
ერთ წუთს.

ადამიანმა მოიგონა ცული ხის საქრელად და
ცელი სათიბავათ. მერე მოიფიქრა, რომ ეს იარაღი
საომრათაც გამოადგება, დაიწყო ომი, რომელიც
გაგრძელდა ერთ დღეს.

ადამიანი გონიერია: გამოიგონა ხანჯალი და
ხმალი. ომი გაგრძელდა ერთ თვეს.

სატანამ მოიგონა კაცობრიობის განადგურება.
შექმერა ბერის ბარტოლდო შვარცის ტყავეში და
გამოიგონა თოფის წამალი. ამას მოჰყვა გამოგონება
თოფისა, ზარბაზნისა, ყუმბარისა, ტყვიის მტყორ

ცნელისა და სხვა. ომი გაგრძელდა ერთ წელიწადს.

სატანამ გამოიგონა შხამიანი გაზები, ტანკები, წყლის ქვეშ მავალი ნავეები, აეროპლანები და გადაჰკიდა გერმანიას მთელი ქვეყანა. ომი გაგრძელდა ხუთ წელიწადს.

როგორც იქნა ომი გათავდა.

სატანა არ დაცხრა: შეძვრა ბაიყუშის ქერქში და გადაჰკიდა ერთმანეთს ორი უძლიერესი და უდიდესი სახელმწიფო—სომხეთი და აზერბაიჯანი.

დაიწყო დაუსრულებელი ომი აღმოჩნდა, რომ სომხეთი და აზერბაიჯანი დასაბამიდან ემზადებოდნენ საომრათ.

ნოემ თვისი კილობანი უნდერძა სომხებს. სომხებმა ეს ჯავშნიანი გემი არარატიდან ჩაიტანეს და გოგჩის ტბაში ჩაუშვეს. ამ ჯავშნიანი გემის გარდა სომხებმა გააკეთეს და გოგჩის ტბაში ჩაუშვეს ათასი დრედნოუტი, ორი ათასი კრეისერი, ათი ათასი კადევ შვიარაღებული გემი და ათასი წყლის ქვეშ მავალი ნავი.

მხოლოდ ესლა აღმოჩნდა, რომ სომხეთის ფლოტი უდიდესი ყოფილა, ვიდრე შეერთებული ფლოტები გერმანიისა, საფრანგეთისა, ინგლისისა, ამერიკისა და იაპონიისა.

არარატზევე გაშენებული ყოფილა მთელ ქვეყნიერებაზე უდიდესი ქარხანა ზარბაზნებისა და ტყვია წამლისა.

აზერბაიჯანიც თურმე ნაკლებათ არ ემზადებოდა საომრათ, მთელი კასპის ზღვა გაქედლილია დრედნოუტებით, კრეისერებით და შვიარაღებულ წყალზე და წყლის ქვეშ მავალ ნავეებით. სათევზაო ნავეებიც კი საომარ ნავეათ არის გადაქალებული. ინგლისელებმა დაუტოვეს აზერბაიჯანს ზარბაზნები, ტყვია წამლები და ერთი მილიონი საომრათ გამზადებული ჯორები.

სომხებს არ ეშინიანთ ამ ჯორებისა, რადგან ყარაბაღში უფრო მეტი ჯორებია საომრათ გაწვრთნილი.

სომხეთ აზერბაიჯანის ომი თან და თან მწვავედება. ხათაბალა ის არის, რომ თვით ვილსონს ეშინიან საქმეში ჩაერთოს და ზაფის ჩამოგდებაზე კრინტი დასძრას, რადგანაც სომხებმა და აზერბაიჯანმა გამოაცხადეს, ვინც ჩვენ საქმეში ჩაერგვა, იასაც ომს გამოუცხადებთ და მყისვე გავანადგურებთო.

ინგლისელები წინდახედული ხალხია და იმ თავითვე იგრძნეს, რა საშიშროებას წარმოადგენს

მთელი მსოფლიოსთვის სომხეთ აზერბაიჯანის ომი და ამიტომ თავს უშველეს და დროზე გაიყვანეს კავკასიიდან თვისი ჯარები.

კაკობრიობას დაიწყო ლიევი, ანტერპენი და ვერდენი. ესლა მთელი ქვეყნის ყურადღება მიქცეულია სომხეთ აზერბაიჯანის ფრონტზე. მთელი ქვეყანა ყველ წუთს მოუთმენლათ ელოდება რადიოტელეგრაფებს არარატზე გამართულ უდიდეს სადგურიდან, რომელმაც თვისი ძლიერებით დაიწყო დიდი ეიფელის კოშკზე ამართულ რადიოტელეგრაფის სადგური.

აი უკანასკნელი რადიო ტელეგრამები არარატის სადგურიდან დაგზენილები:

არარატი. 12 აპრილი, დღის 5 საათი: ჩვენმა ხუთმა კორპუსმა ალყა შემოარტყა უძლიერეს სიმაგრეს აზერბაიჯანისას—იარაღალუს, აზერბაიჯანის საზღვარზე. სიმაგრემ ვერ გაგვიძლო, ავიღეთ იერიშით, სიმაგრის გარნიზონის ერთი მესამედი ამოველიტეთ. ჩვენი ჯარი მიადგა მეორე ძლიერ სიმაგრეს ტატლუს, რომელიც აღმოჩნდა ძლიერ გამაგრებულათ. ჩვენმა ჯარმა უკან დაიწია და იარაღალაში დაბინავდა. მზადდება სასტიკი ბრძოლა.


არარატი, 13 აპრილი, დღის 2 საათი. ჩვენმა სახელოვანმა მთავარ სარდლებმა ბაღდასარიანცმა და ვართაქონიანცმა მიიტანეს იერიში ყარაბაღის სიმაგრეზე. სიმაგრე დაცვა. ჯარებმა აიღეს, დაწვეს და განადგურეს სიმაგრეები ზემო აქსიბარი, ქვემო აქსიბარი, ფარაჰლი, ჰეირალი, ბანაშე, ხუჩი-აირუი და სეალამლი ნადავლი დიდია.

ამ რადიო-ტელეგრამიდან სჩანს, რომ ჯერჯერობით სომხეთი სჯობნის აზერბაიჯანს. სომხეთი განავრძობს სატევ ომს, აზერბაიჯანი თავს იცავს საგერი ომით. აზერბაიჯანის სამხედრო მინისტრი მეჰმანდაროვი ზარდაცემულივითაა. გარეშე საქმეთა მინისტერი ხან-ხოსკი შეშინებული ნოტებს უგზავნის ყველა სახელმწიფოს, მაგრამ ვერც ერთი სახელმწიფო ვერა ბედავს სომხეთ აზერბაიჯანის საქმეში ჩარევას, რადგანაც სომხეთს დიპლომატიური მხრივ საქმე კარგათა აქვთ მოწყობილი.

სომხეთის პოლიტიკამა და დიპლომატიამ გადაკარბა მაკაიველისა, ბისმარკისა, ლინზენგჩანგისა და ვილჰელმის დიპლომატიას.

შავგრემანი.





კომუნისტთა სამხედრო მინისტრი ტროცკი საქართველოსკენ მოემგზავრება.

ზალიკაის უსტარი დამფუძნებელ კრებაში.


2.

ამხანაგო მოქალაქე, დამფუძნებელი კრება! იცოცხლეთ არავალეამიერ. სხვა, მე ქე ვაღურჩი მოვალეებსაც, ცოლ-შვილსაც, დუუყუყდი და ზე ვაღამაშპენ თავზე მათი აღდგომიანა. ისე ჩემი ბატონი შენ ხარ, ხვთის და თქვენი წყალობა ქე შეიხაზირებია რაცხა ხეფსი საწყალ ქალს, მარა ღმერთს დუუჯერე, თქვენი მჯავრით წამწარებული მქონდა ყოლიფერი, ვაი თუ იგენს კბილის ვასაკრავი აფარი აქვენ მეთქი. ღმერთმა იცის დავკუქკე—ლაგინაით ღვინო, გოქას ქილეი, კვერცი, იაფუფხი შევიკურტნე და ვფხეკე ტანციაზე, მივადექი გამოსრენტილს და ვიყურყუტე, მარა არ გქამოს ქირმა, ახლანდელ კსებს თურმე ორი მისადგომი ქონებია. ხელის შესაკიტინებელი ჩვენდა, თავიან-ფეხიანა შესავალი პალიტოიანებიზა! მერე კილო ისე გუუძვირებია გასაჩხიკინებელ კანდუხტორებს ბილეთი თურმე, მაინც ვერ ვიყიდდი. წატ-

რიკინდა მაშინაი და მოვსცხე ისეველ შინსაკენ გულდამწვარი. იი თქვენი არჩივი დღესაც თაროზე მაქ დაქუქკული, თუ გზაი დაგირჩენ ნუ დეირცხვენთ გამომიართ.

ამას გარდა უფალო ამხანაგო, ჩვენს ამბავს მგონია ქე გეტყოდა თქვენი და ჩვენი ლასა მგეულადე. ჩვენი გაქვივრება იმას პაწეი ქე ვავაგებოთ, ბიძაშვილობამ იმას ყოლიფერი კაი დამართოს, მის გვირგვინზე აკოცნიოს მის დედამას, რაფერ ჩვენებურათ იმან გველაპარაკა რას ქეია ძალიადობით გვარდიის გაყვანაო. რაუყოთ რომ გაქვივრებულ კაცს ვადასახანი ვადაგიცილდა ვადასე, ვინ გეიგონა მანათზე ათი შაური პრაცენტის ვადასთიება, ან ამ დროში ოჯახის ვახიბაკვაო. აბა ამისანა გლახა მიწები პირველ კატაგორში ვინ მოაქციაო, აგი ჩვენი გამოცემული კალონი არც ერთი არააო, აგენის სეირს მე შემოგასწრობთო. მე რა ვიცი რამდენი კილო დავგვირდა და ასე წევიდა. ღმერთმა მშვიდობით მგზავრობა მისცეს. ჰო და ჩემი ბატონი შენ ხარ, მე თავმომწონეთ მივეჯგვიმე მარიამას და მივაჯგედი სუფრას, დავქეანქლე მქადი ლობიაში და დედაშვილოური ლუქმა ვადავაგზაენე სეკარამეთში. თან მუუხსენი ტრაზახს თავი, აბა ქალო შენ რა იცი რა კაცი ვარ, დღეს დამფუძნებელ კრების წევრმა ხელი ჩამომართვა, ასე უთხარი, ისე მითხრა, ვავაკეთეთ ქვეყნის საქმე მეთქი. — შე განიკებულო, ამისანაი დიდი კაცი თუ ნახე, ბაღნები რომ დათითული გეყავს, ციციანიზა სტაელის ფაღლს რეავს მანათს ვვადრანგეივბენ, მასწავლებლები რომ ნახე ვარი არ ვარგა, მამისისხლათ ნაყიდი ტყეით ღესნიჩები რომ დაასუქეს, ამოზა გეთხუა რამე, თუ ვვადღევენ დროზე მიიციენ თქვა. — ქალო, სხვას აგერ მინისტერს ელიან იმას ვეტყვი / ყოლიფერს, ერთი კაცი ხომ ვერ ვავაკეთებდა მეთქი. მან მისი მითხრა, მე ჩემი და შოგვექნა ბღღენაი. თლა მრთალიც არ ვიყავი, მარა იმედი მაქ მინისტერთან გამოვასწორებ საქეს, მარა ამაზე შემდეგ.

შხანკოლა.



აღდგომა დღე.

(უძღვნი ვრამილე მენაბდის დედას).

ტყე ბაღნარი გაკვირტულა,
ბინდს მოკრძალვით თავს უზრიან,
ბაღში ვაზი აცრემლულა,
ყვავილები იფურჩქვნიან.

მზე ქურდულათ ამოცურდა,
აელვარდა მთის მწვერვალს
და ზარებიც ახმაურდა,
გადმონაზა ცამ წინწყალი.

სამლოცველოს გაღაგანში
ხალხი მოკრბა, ახმაურდა,
მორწმუნეა ბევრი მათში,
უფრო ბევრი კი — იუდა.

აქ მოლოცვა, იქ სიცილი,
საფლავებზე საკურთხები.
არვის ახსოვს დრო განვლილი,
აქ თათრების ურდოები.

ყველა ეძებს ძველ მეგობრებს,
მახლობლებს და თავისიანს,
აქ ერმილეს დედაც ეძებს
თავის ვაჟაკს, იმ შავდღიანს.

შარშანც სძებნა, წელსაც ეძებს
საკურთხით და სანთლით ხელში.
ვერ პოულობს, ცოცხალ-მკვდარი,
ვერც ცოცხლებში და ვერც მკვდრებში.

ესა შებღავის, წყალს შესჩივის,
ხან მიწაზედ დააკვდება,
დაკარგულ შეიღს მოსთქვამს, სჩივის
და სანთელთან ისიც დნება.

ერგვის შავს მთის მწვერვალზე,
რომელს ნისლი ჰბურავს ხშირათ.
წარსდგომია ბათომს თავზე,
გადაჰკურებს ზღვას გულ-ვრილათ.

იქ დანგრეულ აკოფს გვერდით
მიწის გული აზნექილა,
მოქარგულა ყვავილებით,
ფშვენს ყაყაჩო და ბიბილა.

აქ მარხია ის ვაჟაკი,
ვინც მეობრებს წინ უძლოდა,
აქ შეება მტრებს მამაცო,
სპა ნისლივით მოდიოდა.

აქ გასცვალა თავი ასში,
არ აბრუნა მტრებს გულ-პირი,

ჩაესვენა აქ საფლავში,
სამშობლოს მცველი გმირი.

ვაზაფხულზე, ტურფა დილას,
ან როს შევებით დაბინდება.
მზე მიაფენს წითელ შილას
და ბუღბულიც აკუნესდება.

დანამული ყვავილები,
მოკრძალვით თავს დახრიან,
მწუხარ დედის ვით თვალები
ამბორით ცრემლს დააყრიან.

და ამ ამბორს მწარ კენესაში
შეაწებებს ცივი ქარი
და ვით ელვა მიჰქრის გზაში
შემცხადების ფაიქარი.

და ჩურჩულით ლანდი ბნელში
დედის სულს გულს ეფინება,
ის კი — ეძებს სანთლით ხელში
და სანთელთან ისიც დნება.

3. ჭყონია.

ხათაბაღას დეჰეშები.

სუფსა. ტყუილია ის ხეები, ვითომ სადგურში
ბილეთების გაყიდვის დროს დითონ მგზავრები
იტავდენ წესრიგს.

— კოოპერატივ „იმედის“ სავაქროში გასულ
წლიდან დღემდე დახარჯულა 30 ბოთლი წითელი
მელანი. კალმის წვერებს სხაპა სხუპით გაქონდა
ტრიალი შავათ დაწერილის გადაკეთებაზე, მაგრამ
საქმე მაინც გასწორ-გამოსწორებით ჩაფლავდა.

— „იმედის“ ახალ არჩეულ სარევიზიო კომი-
სიებს, იმედი აქვთ სხდომა დაინიშნება 1924 წ.
ვასაც რაიმე მასალა მოეპოვება, უნდა წარუდგი-
ნოს კომისიის წვერებს 1923 წლამდე.

— სუფსის თემმა ახალი თავმჯდომარის ძებ-
ნაში ძველიც დაკარგა.

— ბაზარში დიდი სიწყნარება, დუქნებში ბა-
ქარის თამაში სისტემატიურათ მოეწყო.

ოლოლე.

სახათაბალო.

ჯერ ძმაო და შემდეგ ამისა ხათაბალოში მყოფო ამხანაგო და ამისავე გამო ხათაბალის დამარსებელი; ჩვენში კი დარჩეს და კარგათ მოგესხენება, რომ იმ თავითვე მე და შენ ერთ ხათაბალოში ვიყავით ჩავარდნილი. აბა, როგორ დაივიწყებ იმ სანახსოვრო ხათაბალებსა, რომლებიც ჩვენ ერთად თავზე გადავივლეთ და რომლებიც ისე შემოგვევივნენ, რომ არც ახლა გვანებებენ თავსა.

ამიტომაც სრულიადაც არ გამიკვირდა რომ ხათაბალით საქვეყნოთ გამოხვედლი და მეცა მთხოვე, შენს ხათაბალოში ჩავარდნილიყავი.

და აი შენი დავალებითვე გამოვსწიე შენი ხათაბალისკენ დიდი შინდის კეტით მხარზე ვადებული. მოგესხენება, რომ კეტის ტრიალი საყვარელი და მამაპაპური, რჯულზე უმტკიცესი, ჩვეულებაა ჩვენი ქვეყნის იმ მადლიანი კუთხისა, სიიდანაც მე გახლავარ; და მეც შეძლებისამებრ დავტრიალდები შენს ხათაბალოში.

და ამ თავითვე გეფიცები ჩვენთვის ამ უწმინდესს და უმადლესს იარაღს სახათაბალო ბრძოლისას, რომ უსამართლოთ და უსწორ-მასწორათ მას არ ვიხმარებ და ამით უნაყოფო, ტყუილ-უბრალო ხათაბალს არ ვადაკვიდებ. გეფიცები, რომ მხოლოთ დამსახურებულთ კუთვნილებისამებრ ვდრუზავ მ. გარ თავში, მხოლოთ იმისთვის, რომ ისინი ნემსით, თუ უნებლიეთ, შევნებით თუ შეუგნებლათ ზიანს აყენებენ ქვეყანასა.

ახლავე გულახდილათ გეუბნები, რომ ახალმოდის უცბათ მოვლენილ ბატონებისაგან ყბათაღებული ოპოზიციონერი ვარ და კუდის ქნევის მაგივრათ კეტს მოუქწევ ძლიერთა ამა ქვეყნისათა, უკეთუ ისინი გაკეთების ნაცვლათ საქვეყნო საქმეს აფუჭებენ.

მოგესხენება, ძმაო, რომ ჯოჯოხეთში ბელზე ბელმა თავისი კონტრ-რაზვედკით გაიგო, რომ გორელებს ოხუნჯობაში და ხუმრობაში წინ ბევრი არ წაუდგებოდა და აი ეს შემურდა ჯოჯოხეთის მბრძანებელს. და ისე ახირებულათ, ისე ტარტაროზულათ იოხუნჯა, ისეთ ისეთები ამოაბრაზუნა და ამორაზუნა, ბატონო და თანაც ჯოჯოხეთური ხარხარი დააყოლა, რომ გორელებს გულეები ვადმოუტრიალა, თავზე სახლები დაანგრია და დაღუპვის კარს მიაყენა.

აშკარაზე აშკარა იყო, რომ მიწა ინძრა, მაგამ ზოგიერთმა ჩვე მ ბრძენმა პოლიტიკოსმა დედა-

მიწას ეს ამბავი პოლიტიკანობათ ჩამოართვა, მის განზრახ პოლიტიკას მიაწერა და მსწრაფლვე მობერებულათ მოიმარჯვა თავისი მეტო ცალმხრივი, ოკრო ბოკრო დემოგოგიური პოლიტიკა.

და აი ეს ზევითა პოლიტიკა ქვევითა პოლიტიკანობას შეებრძოლა; ხოლო ამ ორ ცეცხლს შუა, გრდემლსა და ჩაქუჩ შორის გორელები და უწყინარი ქართლელები მოექცნენ. არც წინ, არც უკან; არც მარჯვნივ, არც მარცხნივ. მაგრამ ქვევითა პოლიტიკამ ზინც თავისი გაიტანა, ზევითა პოლიტიკა გატეხა და გორელებს გასაქცევი ვაზ მიეცათ... ზევით .. ქუთაისისაკენ და არა თბილისისაკენ, რადგანაც როგორც ოფიციალური აგენტის განცხადებიდან სჩანდა, არა სასურველი ელემენტის გაძლიერება არ იყო სასურველი...

აი დიდზე დიდი ახირებული ხათაბალო თუ გი და ეს იყო და. . სამწუხაროთ ჯერაც არის.

ამას თავი დავანებოთ; შესდგა შენ ხარ ჩემი ბატონი, ათას შეიდასი კომისია, ათი ათასი მოსამსახურით, სადაც ადგილობრივი დაზარალებულნი თითებზე ჩამოითვლებოდნენ და სადაც ნათლიმამობამ სპეკულიაციაზე უფრო მაგრათ მოიკიდა ფესვი. დახმარება დახმარებაზე მოდიოდა და ერთგული კომისიები ყველაფერს სოლიდარულათ, კომუნისტურათ ანაწილებდნენ. . ერთმანეთსავე შორის. ისინი ხალხს არ აწუხებდნენ და არც გულ ხელ დაკრებილი ხალხი აწუხებდათ მათ.

და აი ამნაირათ მრავალ კომისიათა და საშოვარზე გამოქცეულ პირთა ბედნიერებამ იწყო აშენება გორელების და სხვათა უბედურებაზე.

დავანებოთ ჯერ ჯერობით ამასაც თავი და გადავიდეთ თბილისის მამების გულშემატკივრობაზე. სთქვას: მატარებლები მივაშველოთო, რაზედაც ზვიდან ზურგ გამოაგრებულმა, სქელ-კანიანმა ხმოსანთაგანმა სამაგალითოთ იოხუნჯა: „მატარებელი რათ უნდათ. ტივზე დასხდებიან და ზურნით ჩამოვლენო“. თფილისში ჩამოვიყვანოთ, თუ კი სომხები შევიფარეთ, დროებით ისინიც შევიფაროთ, ითქვა, რაზედაც თავების ყველაზე დიდმა თავმა ბრძნულათ იმპერატყველა: „ქალაქი გაქედილია, ბინები არა გვაქვს, ცის ქვეშ რა უშავთო“!

ესეც გვერდზე დავტოვოთ და მივიდეთ ქართლელებისათვის მზრუნავ დიდი კომისიის პასუხისმგებელ თავმჯდომარესთან, რომელმაც დამწეულ გორელების დელეგატებს გამოუცხადა: მე დემოკრატიზმს თქვენთან არ ვითამაშებო. გესმის, კარგათ ჩაისმინე: დემოკრატიულ საქართველოში, დემოკ-

რატი პასუხისმგებელი დიდი პირი აცხადებს: დემოკრატიზმს არ ეითამაშებო.

და ახლა რას იტყვი, ძმაო და ამხანაგო, მოუხდებათ თუ არა ყველა ამ ვაჟბატონებს, ჩვენი ქვეყნის ყლაპია სქელ-კანიან პოლიტიკოსებს, რომლებიც ბრმა-ყრუ, ბეც და ცალმხრივ ეგოისტურ პოლიტიკას აწარმოებენ, თითო მაგარი კეტი ვლრუზო და უთხრა: „ხელი აიღეთ ასეთ ღვარძლიან, მიკერძოებულ პოლიტიკასზე, რომელსაც ვითომ ფარავთ, მაგრამ ბოლო ცხადზე უცხადესათ უჩანს, და იწამეთ ძმობა-ერთობა-თანასწორობა, თორემ თუ განადგურებულ და დამშეულ ქართველების გულში ბოლშე ჩაგუბდა, მართლა კეტებით მტრობის გზას დაადგებიან და ჩაშინ გვიან იქნება თითზე კბენანი!..“

მოხათაბაღე.

სურათები (ქიათურისათვის)

უწინ თუ აქ თავს იმტრევედენ
სულ სხვა და სხვა ფრაქციები,
ეხლა ყველას პირზე აკრავს
მარგანეცის აქციები...
—

მილიონებს გაიძახის
გუშინდელი არას მქონე,
დაბალ ხალხში საქმე არ აქვს
დადის რაღა, თავ მომწონე!..
—

აი, თუნდაც აგერ მოდის
თავის ყვითელ ფოლაქებით
„ზობოღიებსა“ კულში მისდევს
გაგვაყრუა თავის ქებით!..
—

ისეთ საქმეს დაგაყენებს
არც მოგკლავს და არც დაგარჩენს,
სულ წაგართმევს ყველაფერსა
არაფერსაც არ შეგარჩენს!..
—

კანონების „მცოდნე“ ბიჭი,
ღმერთმა მისცა სიბრძნის ნიჭი!..
—

აი, კიდევ აგერ მოდის
გეპარება როგორც მელა,
მის საგმირო საქმეებსა
მე შგონია იცნობთ ყველა.
(ვისაც მასთან საქმე გექნეს
აიტხობთ თავის ბელა).

აი, ესეც ხონელია
ტანთ ჩაუცვამს ზედი ჩოხა,
გამოქნილი ყმაწვილია
ბევრს ასწავლა მუცლით ხოხვა!
—

თავს ისე სთვლის, თითქო სულაც
მისი იყოს ეს ქალაქი,
თუც ცხოვრებამ სიგლა¹ისა
კარგა ბლომათ მოსცხო ლაქი!..
—

აგერ მოდის, მოხსაკუნობს
თავის ლურჯი სათვალეებით,
ეს ყმაწვილიც ცნობილია
წვრილი ხალხის გაწვალეებით.
—

დაბალ ხალხის „მოსარღვა“,
აწარმოებს თამასუქებს,
ვინც რომ ამას ვაღდეკიდოს
ის კუქს ველარ გაისუქებს.
—

ესეც მიწას ემძიმება
რომ გამოიბის და მოშხუის,
დამეწმუნეთ, უფიც ხალხთან
ყველაზე მეტს ესა სტყუის!..
—

მერწმუნე რომ ამ ვაჟბატონს
ვერც თუ მიეკარებია,
მარგანეცის მეპატრონეთ
ჩაუკეტა კარებია!..
—

რაც თითონ სურს, იმას ჩადის
არავისა არ აქვს შიში,
აზრიანი მეგრელია —
იცის თავის ანგარიში...
—

ჩამოთვლილმა სურათებმა
ეს ქვეყანა ჩგამშვენესა,
„ახალ“ საქმის მეთაურათ
ნიკოც გულზე მიისვენეს!..
—


რას მოესწრო ქიათურა
ეს რა ხალხმა დაიბუღა,
ქვეყნის მხსნელათ თავს აცხადეს
გუშინდელი მელა-კულა!..

ქიათურელი ეშმაკი.




რუსული აგიტაცია საქართველოში.

ამხანაგებო! რუსეთის თვალი საქართველოა, უ საქართველოთ რუსეთი ბრმა იქნება... დამცირებული, შერცხვენილი. ამხანაგებო ჩვენთვის რა პარტიაშიდაც გინდათ, მხოლოდ არასოდეს არ დაგავიწყდესთ, რომ საქართველო რუსეთს უნდა დაუბრუნდეს, შესწირეთ ამისთვის თავი. ეს იქნება წმინდა მსხვერპლი მოტანილი სამშობლოს საკურთხეველზე.



დღევანდელი „თავისუფალი“ მოქალაქის სიზმარი, თუ როგორ იყო დატვირთული ძველ დროს.

ვასო აბაშიძე ხათაბალას როლში.



— ისევ ჩემი ხათაბალა, თორემ შიმშილით კუჭი გამიხმებოდა. ეს რა დრო დადგა გეთაყვა!..


მუშის სიმღერა.

ჰა გამართლდა, გასკრა ძალამ,
 ამისრულდა საწადელი,
 ცხოვრების ზღვამ ხომ ჩასძირა
 ნიკოლოზი, სულის მზდელი?..
 ომი— ომი... ისიც შესწყდა—
 აღარ გრგვინავს ზარბაზნები,
 ცნობა— ცნობა... ისიც მოხდა—
 საქართველოს აქვს საზღვრები.

მაშ, ეხლა ხელს რაღა გვიშლის,
 რა ეშმაკი, მაჩანჩალა!
 დღე და ღამე ოფელში ვცურავ
 დავდნი, აღარა მაქვს ძალა.

აღარც ღმერთი, აღარც კაცი,
 ჩემს საქმეს არ ეხიდება!
 — ცხონდი ბერო!
 — როდის, როდის!
 (მადლი გამჩენს და დიჯება!).

შხანკოლა.



გზა სამოთხისაკენ.

ბოკაჩიოსი.

ფლორენციაში ერთი მონასტრის ახლოს, საწ
 ბრაკაციოში სცხოვრობდა ერთი გულ-კეთილი მდი-
 დარი მოქალაქე, კაცი მეტად ღვთის მოყვარე,
 მორწმუნე, რომელიც მუდამ თავის სულის ცხონე-
 ბაზე ფიქრობდა. ის ჩაეწერა მონასტერში ძმათა
 შორის და იწოდებოდა ძმა პუჩჩო.

პუჩჩოს ერთად ერთი ცოლი ყავდა, ამიტომაც
 მეტ ნაწილს თავის ცხოვრებისას სულის საქმეს
 ანდომებდა, რადგან საზრუნავი არაინა ყავდა.—
 პუჩჩო, იყო გაუნათლებელი და მასთან სუსტი
 კეკუსა, ამიტომაც ღვთის ვედრებაზე გადაგებული
 იყო, ხშირად მარხულობდა, ივიწროებდა თავს,
 ხოლო თავისი სული ეცხონებინა რამე გზით.

პუჩჩოს ცოლი — იზაბელა, იყო ახალგაზდა და
 მეტად ლამაზი ქალი. ქმრის ამნაირი საქციელი რა
 თქმა უნდა, ცოლს არ მოსწონდა, რადგან უფრო
 მეტ დროს პუჩჩო ლოცვა-მარხულობაში ატარებდა
 ვიდრე თავის ცოლის აღერსში. ხშირად კი ქმარი
 აღერსის დროსაც, სახარების და სამოციქულოს
 სიტყვებით უმასპინძლებოდა თავის ცოლს. იზა-
 ბელა იტანჯებოდა, მაგრამ მაინც იტანდა ყოვე-
 ლივე ამას.

სწორედ ამ დროს პარიზიდან დაბრუნდა ახალ გაზრდა ბერი, ფელიჩე, რომელიც პუჩჩოს კარგი ნაცნობი იყო, პუჩჩომ ფელიჩე თავის ოთახში მიიპატიჟა, გააცნო იზაბელა და ხშირად ბერი ამის შემდეგ მათი სტუმარი იყო.

იზაბელას ახალგაზრდა ბერი შეუყვარდა, ფელიჩემ ეს შენიშნა და თავის მხრით ყურადღებას არ აკლებდა. სულ მალე ერთმანეთს გაუღეს გულის კარი და ორი შეყვარებულნი ხშირად ატარებდნენ მუსაიფში დროს. ფელიჩე ხშირად პატიჟობდა იზაბელას ქალაქში გასასეირნებლად, მაგრამ ფრთხილი იზაბელა ყოველთვის უარს ეუბნებოდა თავის საყვარელს. ფელიჩე დაღონებული იყო ასეთი მდგომარეობით, სახლში მტრ წილად პუჩჩო იყო და თავისი სიყვარულის ნაყოფით დატკბობას ვერ ახერხებდა. ცალიერი აღერსი კი ფელიჩეს მოგებდა.

ერთხელ, როდესაც ემუსაიფებოდა თავის მეგობარს პუჩჩოს, ფელიჩემ უთხრა მას: ძმაო, მე ვხედავ, რომ შენ სულის ცხონებისათვის გადავიდვი თავი, ამისთვის შენ არ ზოგავ არც სიმდიდრეს, არც დროს, არც თავის შევიწროებას. მაგრამ ჩემო საყვარელო მეგობარო, გზა შენი მართალია, სწორია, მაგრამ ფრიად გრძელია... ჩვენ, მონასტერში წმინდა მამები სულის საცხონებლათ გვასწავლიდნენ სულ სხვა გზას, სულ სხვა საშუალებას. შენ ჩემო მეგობარო, თუ მოისურვებ გასწავლი მე ამ გზას. მხოლოდ ერთი პირობით, რომ ეს საიდუმლოთ უნდა დარჩეს ჩვენ შორის, რომ უბრალო მოქალაქეებმა არ ისწავლონ ეს გზა.

პუჩჩომ შეფიცა ფელიჩეს, რომ ის საიდუმლოებას არ გასცემდა, მხოლოდ ესწავლებინა კი მისთვის საშუალება სულის ადრე ცხონებისათვის... ჩვემო ძვირფასო! დაიწყა ფელიჩემ, ხომ იცი, რომ მე შენ უარს არ გეტყვი, მაშ მომისმინე: სულის ნეტარებას წმ. მამების გადმოცემით მიახწევ მაშინ, როდესაც ცოდვებს მოინანიებ, მაგრამ ეს კიდევ იმას არ ნიშნავს, რომ შენ უცოდველი იქნები, ცოდვები მუდამ ჩვენს გარეშე არის და დაგვტრიალებს თავზე. აი ამიტომ არის საჭირო, როცა ცოდვებს მოინანიებ, უნდა ეხიარო მაშინვე. შემდეგ კი უნდა იმარხულო 40 დღე. ამდენს განმავლობაში შენ საკუთარ ცოლთანაც ურთიერთობა უნდა შესწყვიტო. შემდეგ უნდა ამოიჩიო ერთი ოთახი შენ სახლში, დაწვე დიდ მაგიდაზე და საღამოდან დაწყებული დღემდე განუწყვეტლივ უნდა ილოცო. — დილაზე, როდესაც ცისკრისას დარეკავენ, მხოლოდ მაშინ შეგიძლია ადგე

მაგიდიდან და დაწვე შენ ლოგინში დასასვენებლათ. ეს უნდა გაიმეორო ყოველ დღე 40 დღემდის. თუ გინდა მიიღო სულის ცხონება და ნეტარება, სწორი გზა სამოთხისაკენ ეს არის.

— დილათ გამდლობ ჩემო მეგობარო, შენი ბრძნული დარიგებისთვის, — უპასუხა პუჩჩომ, — ყოველივე ეს ჩემთვის ადელი ასასრულებელია, და ღვთის შეწვევით ამ კვირიდან მე შეუდგები ჩემი სულის ცხონების საქმეს.

პუჩჩო მოუყვა თავის ცოლს სუყველაფერს და იგი მიხვდა მაშინვე რომ ეს ეშმაკობა ფელიჩეს საქმეა, რომ მეტი თავისუფალი დრო ჩაეგდო ხელში. იზაბელამ უპასუხა, რომ ძალიან მოსწონს ქმარის გადაწყვეტილება, და თითონაც შეპირდა, რომ იგიც იმარხულებს მხოლოდ დანარჩენ წესებს ვერ შეასრულებს.

შემდეგი კვირიდან პუჩჩო შეუდგა სულის ცხონების საქმეს, ფელიჩე კი იზაბელას თანხმობით ამ დროს ატარებდნენ ერთად და სტკბებოდნენ სიყვარულის ნაყოფით.

ოთახი, სადაც პუჩჩო იყო საშლოცველოთ, სწორეთ იმის გვერდით იყო, სადაც იზაბელა თავის საყვარელით ნეტარებდნენ. ეს ოთახი თხელი ფაქრით იყო გაყოფილი შუაზედ.

ერთ საღამოს, როდესაც პუჩჩო თავის ოთახში შევიდა სალოცავად და გაწვა მაგიდაზედ, გაიგონა, რომ თავის ცოლის საწოლ ოთახში კრაოტის ქრიქინი მოესმა. პუჩჩომ უფრო ყურადღება მიაქცია, უფრო აშკარათ გაიგონა პუჩჩომ, რომ კრაოტის ქრიქინი თანდათან მატულობდა და ბოლოს ერთი ისეთი შეინძრა, ასე ეგონა მთელი სახლი ქანაობსო... პუჩჩომ ველიარ მოითმინა და ცოლს დაუძახა:

— იზაბელა! კრაოტი რათ ქრიქინებს, ან შენ რას აკეთებ მანდ?!

— კრაოტზედ ვკოჭრილობ, უპასუხა იზაბელამ.

— კი მაგრამ სახლი რაღათ ინძრევა ასე მაგრა...

— თითონ შენ არ მითხარი, რომ კაცი როცა უფასშმოთ დაწვება ხშირად კოჭრილობს ლოგინშიო...

— მე ხომ გითხარი, რომ ნუ მარხულობ მეოქი... ვგეტ არ იყოს, აგეთი ქრიქინი მე არ მიყვარს...

პუჩჩომ განაგრძო თავისი ლოცვა.. იზაბელა და ფელიჩე თავისას არ იშლიდნენ...

იუმორისტული რიკო

რიკო მწერლობაში სხვა და სხვა ფსევდონიმით თანამშრომლობს იუმორისტულ ჟურნალებში. ის მეტად მოურიდებელი აღმზანია მწერლობაშიაც და სიტყვიერადაც ის რომ შეკრებულებაში ვინმეს ვაგებურობა, მისი სიტყვის შებრუნება მეტად სახიფათოა, რადგან ის უფრო და უფრო უწყალოდ გალანძღავს მოპირდაპირეს. თითონ, რაც უნდა გალანძღო, ყოველთვის მშვიდად და არხეინათ გიპასუხებს სამაგიეროს.

რიკოს მოსწრებული სიტყვები და ლექსები ბევრია გურიაში ვაფანტული და გიტარა-ჩონგურზე ამღერებენ ბარიშნები, ჩვენ განვიძრახეთ მისი შეკრება, მაგრამ სამწუხაროთ უმეტესი ნაწილი ჟურნალში არ დაიბეჭდება, რადგან შიგ მეტათ უწყალო სიტყვები არის ნახშიარი, ხოლო, რისი დაბეჭდვაც შეიძლება, სისტემატიურად ვაეცნობთ ჩვენი ჟურნალის მკითხველებს.

რიკოს მოსწრებული სიტყვები.

ერთ კამპანიაში, სადაც რიკო თამადათ იყო, ღვინის სმა გაიმართა. ზოგნი წინააღმდეგი იყვნენ-სმის. ერთმა მანდილოსანმა მიმართა რიკოს:—მე ვამბობ ღვინის სმა შეწყდეს და შენ როგორც ვანათლებულმა კაცმა მე უნდა დაგიჭირო მხარით.

— კიდევ ვინ გიჭერს მხარს; კითხა რიკომ.

— აი, ეს ორი კაციო, მიუთითა.

— რაღა ყველამ მხარი დაგიჭიროთო, ორი მხარს დაგიჭერს, ერთი თავსა და დანარჩენიც ფეხებსაო,— უთხრა რიკომ.

ხალხში სიცილი ატყდა, ქალმა იუკარისა ასეთი ხუმრობა და ვალანძლა რიკო—შენ მასხარა და ტუტუცი ყოფილხარო.

— ეგ მართალიაო, უპასუხა რიკომ,—მასხარა ბუნებით ვარ და ტუტუცი სიმთვრალეშიო, მაგრამ შენ რომ უღვინოთ ვაგიყვებულხარ, მაგის წამალი მაინც ის არის, რაც გითხარია.

ერთი რუმბივით მრგვალი და მსუქანი კაცი შეედავა რიკოს:—შენ ვის იგდებ მასხარად თუ იციო, ისეთ დღეს დაგაყენებ, რომ სულ ვირთხასავით ვარბოდეთ.

— ეგ შეიძლება აგრეც მოხდესო,—მიუგო იწყომ,— თუ მაგრე დააფჩინე პირი და იღრიალე'

გასკდები ნაკერაზე და მე კი არა, ყველას მოგვიწევს გაქცევა მასპინძლიანათო.

კოლს რატომ არ ირთაო,—კითხეს რიკოს.

— ვინც მომეწონა და შემეყვარდა ის არ გამოწყვა და ვინც არ მომწონს და არც მიყვარს ის როგორღა შევირთოვო.

— კაცო, ჯერ უნდა შეირთო და მერე კიდევ მოგეწონება და კიდევ შეგიყვარდებაო.

— არა, მაგრე ოჩო ფოჩოთ ვერ მოვიკიდებ ხელს მაგისთანა დიდ საქმესაო—სთქვა რიკომ,— მე ისიც მინახავს, მოწონებულვმაც კი შეიძულეს ერთმანეთი, თორემ დაწუნებულს რაღა შემეყვარებდსო.

ერთ კამპანიაში, სადაც რიკო იყო, მის მახლობლათ იჯდა ერთი კაცი, რომელსაც პირი ისე უყარდა რაღაც ავადმყოფობის მიხედვით, რომ მის სიახლოვეს ცხვირს ვერ მიიტანდი. ეს კაცი შეედავა რიკოს: შენ რას სულელობო, რაც სიმყრალე და სიბინძურე მოგადგება პირზე, ყოველივე კი არ უნდა წამოისროლოვო.

— სწორედ ეგ არის აღმზანის ღირსება და სიუაქიზეო, მიუგო რიკომ,—შენ აღბათ ყოველივე სიმყრალეს თუ კბილებს აჭერ, მიტომაც მაგრე აჭკოთებო ეგ პირიო; თუ ძმა ხარ, ცოტა შორს დამიჯექიო.

რიკოს კარგათ ნაცნობებმა: ორმა ბარიშნამ და ერთმა ქალურათ ჩაცმულმა ყმაწვილმა, ერთად გადაიღეს სურათი. ეს სურათი ბარიშნებმა რიკოს გაუგზავნეს ზედ წარწერით:

ამ გაუცნობელ ბარიშნას
ჯუფანი ქვია სახელათ;
მოგვეწერე, ვინ ვის სჯობია
მიტომ გიგზავნით მას ხელათ.

რიკომ პასუხათ მისწერა:

დიდის პატივით ვაგიცან
თქვენნი ბარიშნა ჯუფანი,
ჩაცმულობით და ტანადათ
ვერ მოუდგება გულქანი,
გარედან თქვენზე კარგია,
უფრო თეთრი და მსუქანი,
მაგრამ შიგნით კი თქვენსავით
იმას არა აქვს „დუქანი“.

რიკო ღამისთევაში იყო, ფანდობია ითამაშეს და რიკოს გადაუწყვიტეს: უნდა ჩამოეველოდა ყველა ბარიშნიზა ლოყაზე ეკოცნა. რიკომ შართლაც ყველა ბარიშნები გადაჰკოცნა, ხოლო ერთმა სხვებზე ულამაზო ბარიშნამ არას გზით არ აკოცნია. ეს რიკოსაც არ ესიამოვნა და ძალათ მოინდომა კოცნა, მაგრამ ქალმა კვიელი დაიწყო და სიხლოვეს არ მიიკარა. საზოგადოება დაეინებით თხოულობდა, რომ აუცილებლათ უნდა გადაეკოცნო.

— რა ვქნა, მე მეტი ძალადობა არ შემიძლიაო,— განაცხადა რიკომ,— მოდი შემიცვალეთ და კოცნის მაგივრათ ყურში ვეტყვი რამეს საიდუმლოთაო.

ამაზე საზოგადოებაც დათანხმდა და ბარიშნაც მივიდა რიკომ. ვითომ ყურში რაღაცას ეუბნებოდა, მხოლოდ ფუჩუ-ფუჩუო ჩაუძახა და ამსობაში ლოყაზედაც მაგრათ აკოცა და გამობრუნდა. ბარიშნას კი ხმაც არ ამოუღია. ხალხში დიდი სიცილი შეიქნა. ვილაცამ კითხა რიკოს: კაცო რა უთხარი ისეთი, რომ ასე გემოიანად გაეკოცნიაო.

— ცოლათ შერთვა დავპირდიო, სთქვა რიკომ. ბარიშნა მეტად გაცხარდა და შეუყვია: სტყუი, შე მასხარავ, შენაო.

— რომ ვსტყუოდი, ეს კოცნაშიდაც უნდა გკოდნოდა, თორემ ამდენ ლამაზებში შენ ამოვირჩევდიო?!— მიუგო რიკომ.

რიკომ უთხრა ერთ ნაცნობ ბარიშნას მომწონხარო. ბარიშნამ გამოუტანა ალბომი და სთხოვა რიკოს: რა მოგწონს ჩემი, ჩამიწერე ამ ალბომშიო. რიკომაც ჩაუწერა ამნაირი ლექსი:

მომწონს შენი მუსიათი
და ხელების ფართი-ფურთი,
არშიუობა, (თვალის ხუქვა),
ბალნობიდან რომ გაქვს ხუთი.
შედებილი თვალი, წარბი,
დაგრებილი თმა-ქუჩუჩი,
ჩასაკოცნი ცხელი ლოყა,
ჩასატკვერი ბაგე ტუჩი,

მომწონს შენი გამჯავრება,
თან კრუსუნი, თან ფუთფუთი,
სიარული თავდახრილი,
ხელის გული, ფეხის კუნთი.
მოსპეტილი გული, მკერდი,
შენი „სარკე“, შენი „ყუთი“—
(სატრფიალო საშუღამო,
სასიამო—ერთი წუთი),

წერილები მეგობართან.

1.

მეგობარო სალამს ვიძღვნი
შენი ძმა და ამხანავი,
(ქალაქი რომ მივატოვე
მიკვირს რა მომესწრა ავი).
მუდამ თვალზე მელანდება
ჩვენი ერთათ სიარული
და დროება თითქოს ცუდი,
ჩემთვის—უფრო მხიარული.

სოფლის ამბავს თუ იკითხავ,
(ალარ არის საკითხავი)
არც თვატრი, ალარც კლოები,
არც რამე წასაკითხავი!

გაზეთები თუ ვიშოვე
(ერთი კვირის ნათრიელი),
მართალ ამბავს დღეს სოფელში
უფრო იტყვის მარჩიელი.

ქორწილები ხშირი არის,
მუდამ ისმის ლხინი, თრობა.
(მე არ ვფიქრობ ეს ქეიფი
თუ ოდესმე მომესწრობა),
თორემ სახლი სატანცაოთ
ხაზირი მაქვს ორი ზალა.
(ხიბაკებით ის თათრებმა
დროიანათ დამიცალა).

ჩემს გამეტთან ბონის ფარა
ყველგან თავზე მსყარია,
ვინც ჩალანდრათ არ ვარგოდა
იგი ეხლა მსყარია!..

რომ ვუყურებ ამ დროებას
მე მგონია ზღაპარია!
(დღეს კომისარი გამხდარა
გუშინდელი თხა-პარია!..)

დღე და ღამე მუდამ ისმის
ვინტოვების კვახა-კუხი,
(შიშით კარში ვერ გავდივარ,
ვზივარ სახლში, როგორც კრუხი!)

თოფი ყველას ქე ჰკიდია,
თუ გინდ იყოს ბატის ტვინი.
(სახლის თავზე ბარე ორხელ
გამიხვრიტეს ქერაბინი!)

ოზურგეთში, როცა თათრის
ასკერები ნაფარდობდა
და ქართველი მემორები
მის გარშემო კვერცხებს ღობდა!

ამოდენა თოფის ტყვია
ჰაერში რომ გაესროლა,
დამერწმუნე ქართველ ლაშქარს
არ უნდოდა მეტი ბრძოლა.

თათრის ჯარი შიშისაგან
სტამბოლამდე მოკურცხლავდა
(და აქარის ჯვალ-ბეგი
მკონი კიდეც მოკ. კლავდა).

სხვა რა კითხრა ჩემო კარგო,
სასიამო, მოსალხენი?—
ერთი ქცევა სულ საბახნეთ
გადავბარე, გადავხენი,

მაგრამ თესლი ვერ არა მაქვს,
ვერ ვიშოვნე ვერც ნაკელი
და ესენი, შენც ქე ცი,
თუ ერთი ერთი დავაკელი,

მაშინ პრასაც არ მექნება,
არც მხალი, არც კარტოფილი
და რათ მიწნა, მქონდეს კუნხა,
ვარაკუნო მარტო ფილი?!

კარგათ იცი, საქმელებზე
როგორ ვიყავ დაჩვეული,
და ეხლა რომ ვერ ვმოულობ
კრტა კიდეც მომდის გული.

შენ კი ხშირათ, ყავასაც სვამ
ბისკვიტებით, კარგო ჩემო,
მე კი —სამი წელი ვადის
არ მინახავს ჩაის გემო.

კარაქი და შილაფლავი
ძილში თუ მომეღიანდება,
თორემ, ცადათ მისი ჭამა
ვიცი დამიგვიანდება.

პურის, ბრინჯის და შაქარის
ნხოლოთ მახსოვს სახელები,
ისე, —მჭადის ნალუკმაღი
მეწვის პირი და ხელები!..

მაგრამ დილით, აღრიანათ
გამომცხვარი კვერი, ცხელი
და ზედ შაშხი, (ლორის მწვ დი)
ისე კია ვემრიელი,

რომ სხვა საჭმელს დაგავიწყებს
მხოლოთ მისი ნალუკა ერთი,
(მარტლა, სოფელს ყველაფერში
კი არ გასწყრომია ღმერთი)

გურიანთელი

პეტრეს და პავლეს საუბარი.

პავლე — გამარჯობა პეტრე, ქრისტე აღსდგა!

პეტრე. — ქრისტე აღსდგასა რაღა მადლი აქვს,
როდესაც აღდგომას აღარც კი უქმობენ.

პავლე — რას ამბობ, პეტრე, ვინ გითხრა აღდ-
გომას უქმე არ იყოფო? მთელი სამი დღე იყო გა-
მოცხადებული.

პეტრე. — კი მარა, ყველა სახელმწიფო და საზო-
გალო ეტლებ ცხენებ ავტომობილები ჩვენ ქუჩებში
მიმინოსავით დაფრინავდენ და რომ საქმის დღე არ
ყოფილიყო, რა უნდოდა მათ ქუჩაში იმ დღეს?

პავლე. — ეგ რა უყოთ, იმ დღეს ზოგი ვიზიტებ-
ზე დადიოდენ, ზოგიც ისე დასეირნობდენ, ზოგიც
თავის ახლო ნათესავ-ნაცნობებს უთმობდენ იგივე
მიზნისთვის.

პეტრე. — მაგას რას ამბობ, პავლე! საზოგადო
და სახელმწიფო, ეტლი იქნება იგი, ავტომობილი
თუ სხვა რამე—სულ ხალხს ეკუთვნისო, ასე გვას-
წავლეს და ასეც არის. ახლა შენი სიტყვებიდან
გამოდის, რომ ხალხის საკუთრებას იგივე ხალხის
მოსამსახურენი თავის განცხრომა სიამოვნებისთვის
იყენებენ. ეს იმას ნიშნავს, რომ ხაზინის ფული
(ხალხის საკუთრებაა, ხომ?) ყველას შეგვიძლია და-
უსჯგოლოთ ვფლანგოთ, მაგ. „ქიმერიონში“ ან „ღარ-
ბაზში“.

პავლე. — ფული სხვაა და ეტლებ-ავტომობილები
სხვა.

პეტრე. — მოიცა, მოიცა! როგორ სხვაა? ესენი
ციდან ცვივიან განა? არა, პავლე! შენ ალბათ
ხუმრობ, მე არასოდეს არ დავიჯერებ, რომ ხალხის
ქონებით სარგებლობა ვინმემ იკადროს დღეს. ეს
უწინ იყო, როცა ხალხი საწველ-ფუროთ მიანდა
ჩვენს არამკითხე პატრონებს გახსოვს, პავლე, სოფ-
ლებში რომ „პრაგონის“ ცხენებით ბოქაულ-ჩიპ
წონიკები დანაჯარობდენ?

პავლე. — როგორ არ მახსოვს, მაგისტანა რამე-
ები მახსოვს?

პეტრე. — ჰო და თუ გახსოვს, ისიც გეხსომება,
რომ ჩვენ მათ ძალიან ვკიცხავდით, თუ პირში ვერა,
ზურგს უკან მაინც. ახლა კი, როცა მაშინდელი
გამკიცხავები, ხალხის სამსახურს შეუღდეკით, იმათ
გზას დავადგებთ? არა პავლე, შენ ცდები. აღდგო-
მას საქმე დღე იყო. მთელი აპარატიც ხალხის სა-
კეთილდღეოთ იყო ამომრავებული და ჩვენი საზო-
გადო მოღვაწენიც საქმიანობდენ.

მ. შ — ელი.

სათაბალო პროპინსიებში

სუფსის რაიონი. შესდგა ყველა ჯურის პლურ-ტისტ-სპეკულიანტთა მორიგი კრება. დღის წესრიგში იყო შემდეგი კითხვები:

1. სასწრაფო მოხსენება ნატანებიდან.
2. სუფსის თემის საბჭოს მოგუნდავების შესახებ.

— ნატანების წარმომადგენელი მოახსენებს კრებას მომხთარ ფაქტის გამო და ამბობს: ამხანაგებო! მოგვხსენებათ, რომ ნატანებში ისე რიგზე მოწყობილი გვქონდა ყველაფერი, რომ დღიურათ ხუროი ვაგონი სურსათი რომ გადაგვეზიდა ხელის შემშლელი არავენ გვყავდა. მატარებელში დღესაც ისე მოქანდაკებული გვაქვს საქმე. ვისაც ხუთი ცალი კვერცხი აღმოაჩნდება იმას ვირის აბანოში გზავნიან. ვისაც ათასი ცალი გვაქვს ისეთებს სრულენებით არ შეხედვენ. ამიტომ ჩვენი საქმეც წინ მიდის, მაგრამ, ჩვენდა სამწუხაროა უნდა აღვნიშნო, რომ ჩოლოქის ნაპირის მცველებთან ვერაფერი გავაკეთეთ, რითაც დიდი ზარალი გვადგება. ამ დღეებში ნატანებიდან გავგზავნეთ 70 ფუთი ღორის ხორცი. იმ ღორს როდესაც ხარებს ცალი ფეხის ბოჭოკი გადაბიჯებული პქონდა დენიკინის სამეფოში, მცველებმაც დაიძახა გაჩერდითო, ჩვენი ურემი და ხორცი ოლოლე ხელიდან, ქე დავრჩით პირში ჩალა გამოვლებული აღდგომა დარაჯებმა გაიფენა და ვარდენ შევანაძე და მე ქე ამოვებლავუნდით ნატანებში. მოვახსენებ ყოველივე ამას კრებას და ესთხვე ზარალის ანაზღაურების.

კრება ფეხზე აღდგომით მწუხარების გამოსთქვამს და ზარალის ასანაზღაურებლათ თავისუფალი თან ხიდან სდებს 500,000 მან.

— მეორე კი ხვაზე სუფსის წარმომადგენელი მოახსენებს კრებას: გასულ კრებაზე დავალებული საქმე პირნათლათ შევასრულე და ჯერჯერობით მოგუნდავებულია საბჭოს ურჩი ორი ხმოსანი, დანარჩენების მიბეგვა ტენიკორ დაბრკოლების გამო ჯერ არ მოხერხდა, მაგრამ სრულ იმედს გამოვსთქვამ თქვენს წინაშე, თქვენი დედალება სიტყვითი სიტყვამდე იქნება შესრულებული.

კრება ფეხზე აღდგომით მაღლობას მოახსენებს მომხსენებელს და სააღდგომო პასკის საყიდლათ ასაჩუქრებენ 100,000 მანეთით.

ოლოლე

სიმღერები.

(უძღვნი ღანირ ჭაგნის დამტკიცების გამო, სახეიმო დღის ხელმძღვანელებს).

1.

ლალე-ლალე, თარი-თურა ლალე,
ღანირ-ჭაგანი დამტკიცდა ქალო გენაცვალე,
აწ ქუტირი ვერ დამჩაჯრავს იგი გავიცალე
და თან ძღვნათა გვატანე ჩემი სივალალე.
გეყო, გეყო, ცუგრუმელა დღემდი რაც მაწვალე,
მოდო გულში ჩამეკონე, მოდი ჩემთან მალე.
ლალე-ლალე, თარი თურა ლალე,
ღანირ-ჭაგანი დამტკიცდა, ქალო გენაცვალე.

2.

ეო, მეო, შენი ჭირიმეო,
დღეს რაც მქონდა მე ჯიბეში ყველა შევქამეო,
მაგრამ მთელათ გავინაღდე რაც კი ვიმწარეო.
ღანირ-ჭაგანი დამტკიცდა ძმაო იხარეო.
თუმც ნაწილი ჭაგანისა კულაშს შევწირეო,
მაგრამ მაინც კი არ ვნანობ სულ არ ვიტყვიო.
ეო, მეო, გულო ილხინეო,
ღანირ-ჭაგანი დამტკიცდა მისი ჭირიმეო.

3.

იო, იო, როგორ არ დაკლიო,
ეი, გესმის! ყანწით ღვინო ჩქარა მომართვიო.
დღესა ჩვენი დიდი დღეა შენ აქ რად იკლიო?
ღანირ-ჭაგნის ზეიმია შევებს განვიკლიო.
დაიქირე, შენცა ყანწი მამა პაწურეო,
გამოვცალოთ დალოცვლი ღვინო კახურიო.
ვადღებრძელოთ ჩვენი ძებეი, ამხანაგებეიო,
ვინც ამ საქმეს წინ უძღოდა დასდევს თავებეიო.
ვინც თვის ხელით მოგვიგერა შავი მწერებეიო
და მით აღარ გაახარა ჩვენი მტერებეიო.
გაუმარჯოს ღანირ-ჭაგანს! მას ვერ მოვრჩებეიო,
გაუმარჯოს მის დამცველებს, მიხთვის მოკვედებეიო.
გაუმარჯოს მის მომავალს იყოს დღეგრძელო!
გაუმარჯოს მას, ვინც არის სიმართლის მტრელიო.
ინეტარეთ, დაგვიტკიცდა, ღანირ-ჭაგანო!
ჩვენი აღმზრდელი სოფელი, ჩვენი აყვანიო.

ჭაგნელი ბსიკი.

ჩვენი თანამშრომლების საუკუნადღებოთ.

ქართველი საზოგადოება, როგორც ცნობილია მეტად გულცივად ეკიდება საზოგადო მოღვაწეთა დაფასებას და მისი ცხოვრების უზრუნველ ყოფას. ასეთი ბედი ეწვია ჩვენში კარგათ ცნობილ საზოგადო მოღვაწეს — მერმარს იოსებ იმედაშვილს (არი-მათიელს). მართალია იოსებმა თავის თავს გადაუხადა 10 წლის იუბილეი, მაგრამ ეს კიდევ იმას არ ნიშნავს, რომ საზოგადოებამ მოიხადა მის წინაშე ვალი, ამიტომ ჩვენმა რედაქციამ გადაწყვიტა იოსებ იმედაშვილის დაუფასებელი ღვაწლის აღსანიშნავათ პატივი სცეს და მახლობელ ნომერში დაუთმოს რამოდენიმე საიუბილეო ფურცელი

უმოარჩილესათ ვთხოვთ ყველას, რომელიც კი აფასებენ იოსების დაუღალავ მუშაობას და ნიჭს, მოგვაწოდონ შესაფერი მასალა იუბილიარის მოღვაწეობის შესახებ.

სარედაქციო კოლეგია.

ბამოცანა. (ბათომისათვის)

ტან მალალი, თავ-პატარა
იციხის ნელი სიარული,
მუშების დაბეჭდვაში
მეტათ არის გაწაფული.

ამას წინად გამოქვეყნდა,
ამ ევრანას საქციელი,
ტყავსა ნავთსა და ქართობილს
თურმე აჰკრა ჩუთ ხელი.

დღეს არ იციხის სად წავიდეს,
ვის შესჩვილოს, ვის მიმართოს
და ზედიზედ სწერს დანოსებს
მით გონება რომ გაართოს.

კოდარა

რედაქციისგან.

„მათრახის“ პირველ ნომერში მოთავსებული წერილი „პაწი წელკავის“ ფსევდონიმით, რომელიც ეხებოდა პატივცემულ სამტრედიის მომრიგებელ მოსამართლეს, როგორც გამოირკვა არ შეეფერება სინამდვილეს. რედაქცია ბოდიშს იხდის პატივცემულ სამტრედიის მომრიგებელ მოსამართლის წინაშე უნებლიეთ უსიამოვნების მიყენებისათვის.

სწავლუნი, კარტოკატურებისანი ჟურნალი

„მათრახი“

მასში დაიბეჭდება მხოლოდ საოხრუნჯო მოკლე წერილები.

მონაწილეობის მიღება შეუძლია ყველა მიმართულების ოხრუნჯ მწერალს, თუ მისი ნაწერი სამართლიანათ შეეხება რაიმე უკანონობას.

ყოველი წერილის პასუხის მცემელი არის თვით ავტორი. რედაქცია ავტორის წინაობას საიდუმლოთ ინახავს, ხოლო თუ რომელიმე ავტორი შეცდომაში შეიყვანს რედაქციას და ტყუილ ცნობას მოათავსებს შიკ, როცა ეს გამოირკვევა კულტურული საშუალებით, იმ შემთხვევაში რედაქცია საჯაროთ რიცხავს ავტორს თანამშრომლობიდან.

რედაქცია არ დაბეჭდავს პასუხსაგებ წერილებს, გამოცანებს და სხვ თუ წერილის მეორე გვერდზე დაწვრილებით არ იქნება განმარტებული ვის შეეხება და ანაშაულობისთვის.

„მათრახის“ რედაქცია სთხოვს ქალაქისა და პროვინციის თანამშრომლებს, მოგვაწოდონ როგორც წერილები, ისე საკარტოკატურო პირების სურათები და დახატული კარტოკატურები.

მისამართი: სტამბა „საოზანი“, თეოფილე ზოლქვაძეს (მათრახისათვის).

ახალი სიმღერა

(ჰიმნი ქართველი სტუდენტების და სტუდენტებისა).

ნარი მიყვარს, ნარი მე,
ნარის სულის ჰირიმე.
ნარიმანა გოცაძე
შევესწარი კოცნაზე

მისთვის მიყვარს ნარიმანი
სიმონიას მამა არის.
ნარიმანა გოცაძე...

ხოვერიკი მიწებს გვართმევს,
სიმონიკა ასამართლებს.
ნარიმანა გოცაძე ..

ნარიმანი მისთვის მიყვარს
ბევრი ქალიშვილები ყავს.
ნარიმანა გოცაძე...

ფილოქსერა შემოსულა
ამ ვენახის ბინაზე.
იმ შეთვალას შევიყვარებ,
ამ შეთვალას გაღვიყვარებ
ერთმანეთის ჯინაზე.

ნარიმან.



- მეგობარო! ვირისავან წიხლი ნუ გეწყინება.
— ეგ გვერდები კი ჩამილეწა და რალა ნუ მეწყინება ჩემო ძავე!